

# Adroddiad Blynyddol Y Corff Llywodraethol 2019-20



Cyflwynir yr adroddiad hwn ar sut y cyflawnwyd swyddogaethau'r Llywodraethwyr yn ystod y flwyddyn addysgol 2019-20.

## AELODAU'R CORFF LLYWODRAETHU

<b>Aelod</b>	<b>Cynrychioli</b>	<b>Tymor gwasanaeth</b>
Mr James Evans (Cadeirydd)	Cyfetholedig	2015-2019
Mr Ian Goronwy Williams (Is-Gadeirydd)	AALI	2016-2020
Ms Emily Young	Rhieni	2018-2022
Mrs Miriam Grant	Rhieni	2019-2023
Ms Alaw Ceris	Rhieni	2017-2021
Dr Greta Hughes	Cyngor Cymuned	2017-2021
Mr James Evans	Cyfetholedig	2019-2023
Mr Andrew Parry	Cyfetholedig	2019-2023
Cyng. Angela Russell	AALI	2017-2021
Miss Catrin Elain Evans	Athrawon	2018-2022
Mrs Manon Haf Owen	Pennaeth	

**Cadeirydd:** Mr James Evans, Glennydd, Llanbedrog (740312)

**Clerc:** Mr Iwan Hughes, Derlwyn, Llanbedrog (740196)

### **Swyddogaethau'r Llywodraethwyr**

Mae aelodau'r corff llywodraethol yn gyfrifol am y rhan fwyaf o'r hyn sydd yn digwydd ym mywyd a gwaith yr ysgol. Mae'r cyfrifoldebau wedi cynyddu'n sylweddol iawn dros y blynyddoedd diwethaf.

Rhaid i'r corff gyfarfod o leiaf unwaith y tymor, ond yn aml rydym yn cyfarfod ddwywaith y tymor.

Adroddodd y pennaeth yn dymhorol ar gyrhaeddiadau disgyblion a phresenoldeb, materion Cwriclaidd a chanlyniadau, anghenion arbennig, lles, rheolaeth, staffio a chyllid yn ogystal ag adrodd ar lwyddiant yr ysgol, amrywiol weithgareddau a digwyddiadau. Mae cofnodion llawn o'r cyfarfodydd ar gael yn yr ysgol.

Mae'r corff wedi ei rannu yn is-baneli sydd yn cyfarfod yn rheolaidd yn ystod y flwyddyn.

Yn Ysgol Llanbedrog mae gennym Is-baneli Disgyblu a Diswyddo Staff, Apel Disgyblu a Diswyddo Staff, Disgyblu a Gwahardd Disgyblion, Cwynion, Adolygu Tâl.

Ms Alaw Ceris oedd Llywodraethwr dynodedig Anghenion Dysgu Ychwanegol.

Ms Emily Young oedd y Llywodraethwr dynodedig Amddiffyn Plant.

Gallwch gael gwybodaeth bellach am y gyllideb neu weld cofnodion yr holl gyfarfodydd drwy ofyn i'r Clerc.

Cynhelir etholiadau i ethol rhiant-lywodraethwr newydd pan ddaw'r cyfnodau uchod i ben. Bydd yr etholiadau nesaf yn rhyngor yr Hydref 2021.

### **Dyddiadau Cyfarfodydd**

Bu i'r Corff Llawn gyfarfod ar 22/10/19, 12/12/19, 11/2/20, 15/6/20, 23/7/20.

Yn ogystal â hyn cynhaliwyd cyfarfodydd o'r gwahanol banelau.

### **Adroddiad ar weithredu yn dilyn cyhoeddi adroddiad Hydref 2019**

Ni chynhaliwyd cyfarfod gan na ofynwyd am gyfarfod gyda'r llywodraethwyr gan y rhieni.

### TREFNIANT Y DOSBARTHADAU MEDI 2019

Athrawon	M	D	B1	B2	B3	B4	B5	B6	Cyfanswm
Mrs Sian Elfryn/ Miss Sera Jones	12	11							23
Miss Catrin Evans			13	13					26
Mrs Gwyneth Jones					9	10			19
Mrs Manon Owen							18	6	24
ADYaCh	1	1		2	2	1	2	1	10 (10.9%)
PYD			3						3 (3.8%)
Disgyblion	12	11	13	13	9	10	18	6	92 (80+12)

### PRESENOLDEB YSGOL GYFAN

Presenoldeb	=	Covid-19- dim data
Absenoldebau gydag awdurdod	=	Covid-19- dim data
Absenoldebau heb awdurdod	=	Covid-19- dim data

Targed presenoldeb y llywodraethwyr a Gwynedd oedd 95.5%. Pwysleisiwn yr angen am nodyn neu neges i egluro pob absenoldeb.

Mae'r Llywodraeth yn rhoi pwysau mawr ar bob ysgol i godi presenoldeb ac i ddileu unrhyw absenoldeb di-awdurdod. Caiff cofrestr yr ysgol ei fwydo i system ganolog gan y Cyngor a rhaid i'r ysgol drafod unrhyw bryderon gyda'r Swyddog Lles. Gweithredodd yr ysgol yn unol â'r gofynion.

### DYDDIADAU TYMOR YSGOL A GWYLIAU 2019-20

#### Tymor yr Hydref 2019

**Agor:** Dydd Llun, Medi 2

**Hanner Tymor:** Dydd Llun, Hydref 28- Dydd Gwener, Tachwedd 1

**Cau:** Dydd Gwener, Rhagfyr 20

#### Tymor y Gwanwyn 2020

**Agor:** Dydd Llun, Ionawr 6

**Hanner Tymor:** Dydd Llun, Chwefror 17 - Dydd Gwener, Chwefror 21

**Cau:** Dydd Gwener, Ebrill 3

#### Tymor yr Haf 2020

**Agor:** Dydd Llun, Ebrill 29

**Calan Mai (Gŵyl banc)** - Dydd Llun, Mai 4

**Hanner Tymor:** Dydd Llun, Mai 25- Dydd Gwener, Mai 29

**Cau:** Dydd Gwener, Gorffennaf 21

Dyddiadau hyfforddiant mewn swydd 2019-20 oedd 2/9/18, 3/9/18, 25/10/18, 4/11/18, 20/4/19, 20/7/19 Fel rhan o Gyfnod Clo Covid-19, bu'r ysgol ar gau o 23/3/20, gyda'r disgyblion a'r staff yn gweithio o adref hyd at ddiwedd y flwyddyn addysgol hon.

## SESIYNNAU'R YSGOL

Bore: 9:00a.m -12:00p.m

Prynhawn 12:45pm CA2/1:00 p.m CS - 3:15p.m

Meithrin: 9:00 - 11:00 a.m

(Clwb Gwarchod: 8.10am, Clwb Brecwast: 8:35am, ysgol yn agor: 8.50am)

### BLAENORIAETHAU'R CDY 2019-20

Nodir blaenoriaethau'r ysgol yng Nghynllun Datblygu'r Ysgol (CDY), dogfen hynod bwysig y mae'r ysgol yn gweithio arni i geisio sicrhau ein bod yn gweithredu mor effeithiol â phosibl. Mae'r Llywodraethwyr yn trafod elfennau ohoni yn eu cyfarfodydd ac yn monitor datblygiadau. Mae'r Awdurdod Addysg Lleol hefyd yn derbyn copi o'r ddogfen hon. Dyma flaenoriaethau'r ysgol yn 2019-20 a bras disgrifiad o'r cyflawniadau. Oherwydd tarfu ar weithio o fewn yr ysgol am ail hanner y flwyddyn addysgol, penderfynwyd parhau gyda'r blaenoriaethau pwysig hyn yn parhau yn CDY 2020-21.

<b>Blaenoriaeth 1</b>  <b>Sicrhau fod pob disgybl ar draws yr ysgol yn mwynhau, chwilfrydig a mentrus er mwyn gallu cyrraedd eu llawn botensial</b>	<ul style="list-style-type: none"><li>• Meddylfryd o Dwf a'r Pwerau Dysgu yn datblygu'n greiddiol i waith, ethos a bywyd yr holl ysgol gyda hyn yn cael effaith gadarnhaol ar ymagwedd disgyblion a staff a chyflawniad.</li><li>• Ethos cynhaliol o ddisgwyliadau uchel ym mhob dosbarth gyda disgyblion yn cael cyfle i ddathlu methiannau fel cyfleoedd i ddyysgu ac i ddyfalbarhau</li><li>• Disgyblion a staff yn trafod ac yn defnyddio Pwerau Dysgu'n rheolaidd yn eu gwaith dyddiol</li><li>• Ymddygiad ac ymagwedd gadarnhaol gan yr holl ddisgyblion yn sicrhau'r allu i addysgu a dysu mewn dulliau mwy rhydd</li><li>• Disgyblion yn gallu trafod eu dysgu yn hyderus gan gynnwys y camau nesaf</li></ul>
<b>Blaenoriaeth 2</b>  <b>Teithio tuag at gynllunio ar gyfer Cwricwlwm i Gymru gan ymgorffori'r 4 Diben yn effeithiol i ddatblygu disgyblion cyflawn, eang eu safbwyntiau</b>	<ul style="list-style-type: none"><li>• Hyder a dealltwriaeth yr holl staff o'r 4 Diben wedi cychwyn datblygu, drwy gydweithio ysgol gyfan a dalgylchol a mynychu hyfforddiant gydag effaith hyn yn cychwyn treiddio i brofiadau'r disgyblion ar lawr y dosbarth</li><li>• Pob aelod o staff yn dechrau datblygu hyder wrth arbrofi ac ymchwilio i agwedd sydd angen ei ddatblygu ymhellach</li><li>• Hetiau Meddwl ar waith yn y dosbarthiadau ac yn effeithiol i waith y disgyblion</li><li>• Disgyblion yn dechrau datblygu'n dda i allu trafod eu gwaith eu hunain yn ogystal ag agweddau sy'n datblygu'r 4 Diben o wahanol berspectif yn gynyddol hyderus a llwyddiannus drwy ddefnyddio'r Hetiau Meddwl</li></ul>
<b>Blaenoriaeth 3</b>  <b>Datblygu ymwybyddoeth gadarn 'r 12 Eglyddor Addysgegol er mwyn arwain at newid (cydweithio dalgylchol)</b>	<ul style="list-style-type: none"><li>• Hyder a dealltwriaeth yr holl staff o'r 12EA a'r 4 Diben yn cychwyn datblygu gydag effaith hyn yn dechrau treiddio i brofiadau'r disgyblion ar lawr pob dosbarth</li><li>• Arsyllwadau gwersi, teithiau dysgu a chraffu ar lyfrau yn amlygu fod y 12EA qa'r 4 Diben yn cael eu cyflwyno i safon dda</li><li>• Bron pob disgybl yn yr ysgol yn manteisio ar weithgareddau bywiog, ysgogol a difyr sydd yn cynorthwyo i ddechrau ddatblygu i gyflawni'r 4 Diben a'u paratoi'n effeithiol ar gyfer y cwricwlwm newydd</li><li>• Pob aelod o staff yn fwy hyderus wrth arbrofi ac ymchwilio i agwedd sydd angen ei ddatblygu ymhellach yn yr ysgol a'i gysylltu i ymchwil gweithredol</li></ul>
<b>Blaenoriaeth 4</b>  <b>Ymateb ymhellach fel ysgol gyfan i ofynion y Côd Ymarfer ADY (cydweithio dalgylchol)</b>	<ul style="list-style-type: none"><li>• Yr ysgol yn ymglyfarwyddo a chydymffurfio gyda gofynion y Ddeddf ADY newydd.</li><li>• Rhwydweithiau cydweithio effeithiol ar waith rhwng ysgolion y dalgylch yn cyfrannu at ddyfnhau ymwybyddiaeth ac ehangu darpariaeth</li><li>• Cofnodion monitro yn nodi bod darpariaeth ADYach ar draws yr ysgol yn gyson dda a chynnydd effeithiol i'w weld yn nghyrhaeddiad disgyblion o fewn eu gallu eu hunain</li><li>• Disgyblion ADYach yn gwneud cynnydd da neu well o ystyried eu hoedran a'u gallu.</li><li>• Polisi ADYach yr ysgol yn gwreiddio'n dda iawn fel dogfen effeithiol sy'n gyrru gwelliannau'n llwyddiannus.</li><li>• Holl ddisgyblion yr ysgol yn derbyn addysg berthnasol, addas, effeithiol gan staff sydd wedi eu hyfforddi i ateb anghenion ychwanegol disgyblion penodol o fewn yr ysgol.</li><li>• Cydweithio effeithiol rhwng staff arbenigol yr AALL a staff yr ysgol yn rhoi'r cyfleoedd gorau i bob disgybl.</li><li>• Gweithredu fel Sefydliad Sy'n Canolbwyntio ar yr Unigolyn yn sicrhau darpariaeth a cyfleoedd gorau i bob disgybl.</li></ul>

### HYFFORDDIANT STAFF

Mynychodd y staff nifer o hyfforddiant yn ystod y flwyddyn yn unol â'r CDY, blaenoriaethau'r Awdurdod a'r Llywodraeth. Ceir rhestr o'r holl hyfforddiant yn yr ysgol.

### DATGANIAD ARIANNOL

Cynhelir cyfarfod o'r Panel Cyllid yn dymhorol ac mae'r llywodraethwyr yn adolygu polisiau yn ymwneud â chyllid yn unol â'r gofynion. Gweler atodiad o gyllideb ddiweddaraf yr ysgol.

#### \* Gwariant perthnasol o gyfrifol terfynol yr ysgol am 2019-20

Pennawd	£
Cynnal a Chadw'r Adeilad	1,690
Trydan	5,074
Nwy	1,364
Dŵr	1,946
Contract Glanhau	11,170
Cynnal Tiroedd	1,169
Offer Ymladd Tân	64
Trethi	5,210
Lwfans y Pen (offer, llyfrau ac ati)	12,119
Dodrefn	0
Post	0
Ffôn	770
Pyllau Nofio a chwaraeon	4,564
Gwasanaeth Cerdd	2,834
Cynnal (cefnogaeth technoleg)	1,306
Cyfanswm	49,280

Arian wrth gefn

£4,268 (ar gyfer diogelu a chynnal staffio)

#### \* Costau teithio a Chynhaliaeth Llywodraethwyr- £0

\* **Cronfa'r ysgol:** Hon yw'r gronfa ar gyfer gwariant bob dydd. I'r gronfa hon mae arain teithiau addysgol, tynnu lluniau ac ati yn mynd. Mae cyfanswm yr arian a dderbyniwyd ac a dalwyd ohoni yn sylweddol. Mae'r gronfa yn cael ei harchwilio yn flynyddol gan gyfrifydd allanol, yn unol â'r gofynion ac mae manylion ar gael yn yr ysgol pe dymunir eu gweld. £10,684.66 o arian mewn llaw 1af Ebrill 202 Roedd hyn hyn yn cynnwys arian dalwyd gan rieni am dripiâu preswyl BI 4,5,6 ond bu'n rhaid canslo a thalu'r arian yn ol. (Atodiad 1)

\* **Rhoddion i'r ysgol:** Bu'r Cyfeillion yn brysur iawn eto yn casglu arian ar gyfer yr ysgol. Hoffai'r Llywodraethwyr ddiolch yn fawr i bawb a gyfrannodd at eu hymdrechion i gasglu arian. Mae'r ysgol a phob plentyn sydd ynddi wedi elwa'n fawr o'r cyfraniadau hyn. (Atodiad 2).

### LLAWLYFR YSGOL

Mae'r Llawlyfr yn cael ei ddiweddarau yn flynyddol. Rhoddir copi i rieni pan fo eu plant yn cychwyn yn yr ysgol. Mae copiau o'r llawlyfr ar gael o'r ysgol ac ar y wefan. Does dim newidiadau mawr ers yr adroddiad diwethaf.

## GWYBODAETH AM BERFFORMIAD A THARGEDAU

Oherwydd Cyfnod Clo Covid-19 ni roddwyd adesiad diwedd blwyddyn i ddisgyblion Blwyddyn 2 a 6 yn haf 2020. Mae'r tabl yn odi targedau'r ysgol am y tri haf nesaf.

% Cyfnod Sylfaen - Deilliant 5 neu 6

% Cyfnod Allweddol 2 - Lefel 4 neu 5

### Cyfnod Sylfaen

Bl 2- Deilliant 5+ a 6+	2020 (9 plentyn, 1 plentyn- 11.1%)				2021	2022	2023
	Targed % D5+	Canlyniad % D5+	Targed % D6+	Canlyniad % D6+	Targedau D5+ i'r dyfodol %		
Dangosydd Cyfnod Sylfaen		Covid-19			100%	100%	72.7%
Sgiliau Iaith a Llythrennedd Cymraeg		Covid-19		Covid-19	100%	100%	81.8%
Datblygiad Mathemategol		Covid-19		Covid-19	100%	100%	81.8%
Datblygiad Personol, Cymdeithasol, Lles ac Amrywiaeth Ddiwylliannol		Covid-19		Covid-19	100%	100%	90.9%

### Cyfnod Allweddol 2

Bl6- Lefel 4+ a 5+	2021 ( 10 plentyn, 1 plentyn - 10%)				2021	2022	2023
	Targed % L4+	Canlyniad % L4+	Targed % L5+	Canlyniad % L5+	Targedau L4+ i'r dyfodol %		
Dangosydd Pynciau Craidd		Covid-19			94.4%	90%	77.8%
Cymraeg		Covid-19		Covid-19	94.1%	70%	77.8%
Saesneg		Covid-19		Covid-19	94.4%	90%	77.8%
Mathemateg		Covid-19		Covid-19	94.4%	90%	88.9%
Gwyddoniaeth		Covid-19		Covid-19	94.4%	90%	100%

### TARGEDAU PERFFORMIAD

Mae'r Llywodraethwyr wedi trafod a chytuno ar y targedau a nodir yn y tabl uchod ar gyfer asemiadau statudol Blwyddyn 2 a Blwyddyn 6. Gosodir targedau unigol i bob plentyn drwy'r ysgol i ddatblygu pawb fel unigolion yn ôl eu gallu personol. Anelwn at gyrraedd y lefelau disgwylidig sef Deilliant 5 ar ddiwedd y Cyfnod Sylfaen (Blwyddyn 2) a Lefel 4 ar ddiwedd CA2 (Blwyddyn 6), neu darged gyrhaeddadwy arall. Gosodir targedau heriol i bob disgybl, yn unol â'u gallu addysgol.

Er mwyn ymestyn pob unigolyn i fod yn hyderus a chyrraedd ei lawn botensial, caiff rhai disgyblion eu targedu mewn agweddau y maent angen hwb neu her bellach ynddo; e.e mewn Llythrennedd, Rhifedd a Lles. Gall hyn ddigwydd fel sylw, cymorth neu waith gwahaniaethol o fewn y dosbarth neu mewn grŵp bychan neu'n unigol gyda chymhorthydd tu allan i'r docbarth. Caiff disgyblion, sydd ar gofrestr ADYach yr ysgol, sylw neu dargedau gan arbenigwyr allanol sydd yn ymweld â'r ysgol a byddwn yn cyd-weithio arnynt yn yr ysgol. Gan bod nifer y plant ym mhob blwyddyn yn eithaf isel, mae un plentyn yn cyfrif fel % uchel o ddata blwyddyn gyfan.

## CYFRANOGIAD PLANT

Mae plant yr ysgol yn cael cyfrannu eu syniadau i fywyd a threfn yr ysgol drwy amrywiol ffyrdd, trafodaethau, holiaduron, Cyngor Ysgol, Grŵp Gwyrdd, Grŵp Iach, Swyddogion Diegelwch am bydd eu cyfraniad yn cael eu trafod yng nghyfarfodydd y Llywodraethwyr yn achlysurol.

Rhai o'u cyfraniadau yn 2019-20 oedd trefnu gweithgareddau i godi arian at achosion da, trefnu a chynnal gemau amser chwarae a chlybiau ôl-ysgol. Mae Gwefan a chyfrif Facebook yr ysgol yn gofnod gwych o hyn.

Cyfrannodd y disgyblion hefyd i gynllunio gwaith y dosbarth drwy gynnig syniadau am yr hyn yr hoffent eu dysgu a syniadau am sut y gellir gwneud hynny.

## ADEILADAU

Mae pob rhan o'r ysgol yn cael ei ddefnyddio'n effeithiol ac effeithlon. Cynhelir ymarfer larwm tân pob hanner tymor. Pob hanner tymor mae'r Pennaeth, fel Rheolwr Safle yn llenwi ffurflen Gwiriad Safle, gyda'r holl staff a disgyblion yn cyfrannu atynt er mwyn mynd i'r afael ag unrhyw ddiffygion. Yn ogystal, mae'r safle yn cael ei wirio yn barhaus o ddydd i ddydd. Penodwyd dau ddisgybl o Bl 6 yn Swyddogion Diogelwch am y flwyddyn.

### **Tymor yr Hydref**

- Awdurdod- asesiad risg tân llwyddiannus
- Alan Hughes - hyfforddiant tân i holl staff yr ysgol
- Gwalch- torri Eiddew a gwrych
- Cwmni Tân Llŷn- archwiliad blynyddol
- Ross Hughes - trwsio gorchudd llawr dosbarth Bl 1a2 a CA2
- Glyn Bala- trwsio wal yr iard a clading wal y gegin
- Trwsio sincs toiledau genod CA2, wedi dod yn rhydd
- Trwsio gwresogydd neuadd
- Llyn Joinery Cyf- Trwsio'r parc a ffenestr dosbarth M a D
- Flo Gas- gwella system archebu nwy

### **Tymor y Gwanwyn**

- Awdurdod- Archwiliad Iechyd, Diogewch a Lles
- Gosod llawr Softpour o dan yr offer dringo yn y parc i allu ei ddefnyddio eto
- Marcio'r iard

### **Tymor yr haf/Gwyliau'r Haf**

- Codi wal o gwmpas y Gornel Dawel ar goridor CA2
- Symud mynedfa dosbarth Bl Meithrin a Derbyn ymlaen at wal y neuadd i gael dosbarth mwy

### **Yn ychwnaegol, cwblhawyd profion arferol blynyddol megis:**

- \* Profi offer trydanol
- \* Profi gwresogyddion
- \* Profi offer a systemau tân
- \* Profi offer addysg gorfforol
- \* Archwiliad Adran Eiddo
- \* Arolwg cyflwr adeiladau

### **Toiledau'r ysgol**

Mae toiledau pwrpasol, cymhareb tua 1:10, gan gynnwys toiledau 'bach' i blant y Cyfnod Sylfaen a thoiled addas i'r anabl. Mae toiledau bechgyn a merched ar wahân i blant CA2. Mae toiledau'r staff ar gael i defnydd plant fel bo'r angen. Caiff y toiledau eu glanhau yn ddyddiol.

## CWRICWLWM

Fel pob ysgol arall mae'r ysgol yn dilyn Cwricwlwm Cenedlaethol Cymru, y Fframwaith Llythrennedd a Rhifedd, Fframwaith Cymhwysedd Digidol ac agweddau o'r Fframwaith Sgiliau Cenedlaethol. Mae crynodeb o gwricwlwm yr ysgol yn ein llawlyfr ysgol - mae copïau ar gael o'r ysgol neu oddi ar ein gwefan. Rydym hefyd yn dilyn cwricwlwm Webster-Stratton i gyflwyno strategaethau ymddygiad a hunan-ddisgyblaeth. Mae hyn yn cael ei gymeradwyo gan Gyngor Gwynedd.

### **POLISIAU A STRATEGAETHAU**

Adolygwyd a mabwysiadwyd nifer o bolisiau'r ysgol yn ystod y flwyddyn. Mae copïau o'r polisiau ar gael yn yr ysgol a rhai ar wefan yr ysgol.

### **POLISI ADY<sub>a</sub>Ch**

Amcan yr ysgol yw adnabod Anghenion Dysgu Ychwanegol a Chynhwysedd yn fuan, er mwyn gallu cynnig y ddarpariaeth a chynhaliath orau, mwyaf cynhwysfawr ar eu gyfer pob disgybl gan helpu pawb i gyrraedd eu llawn botensial. Mae hyn yn flaenoriaeth gan y Llywodraethwyr. I'r perwyl hwn mae Targedau a Chynlluniau Datblygu Unigol manwl yn cael eu paratoi ar gyfer y plant a byddwn yn adolygu'r rhain gyda'r plant a'r rhieni.

- Cydlynnydd ADY Ysgol Llanbedrog -Mrs Manon Haf Owen
- Llywodraethwr dynodedig ADY- Ms Alaw Ceris

### **Disgyblion ag anableddau**

Yn unol â pholisi'r Awdurdod a gweledigaeth yr ysgol, mae mynediad llawn i ddisgyblion ag anabledd. Mae polisiau'r ysgol yn sicrhau na fyddai disgyblion anabl yn cael eu trin yn llai ffafriol na'r disgyblion eraill.

### **CATEGORI IAITH**

Mae'r ysgol yn ysgol ddwyieithog.

Y Gymraeg yw prif iaith yr ysgol ac rydym yn dilyn Polisi Iaith Gwynedd. Bydd plant nad ydynt yn siarad Cymraeg yn cyrraedd yr ysgol yn cael eu 'trochi' yn yr iaith a buan iawn y dânt i siarad yn rhugl.

Cymraeg yw prif iaith gyfathrebol yr ysgol. Disgwylir, yn unol â nôd Siarter Iaith Ysgolion Cymraeg Gwynedd, i bob plentyn siarad Cymraeg ar y coridorau ac allan ar yr iard, ym mhob rhan o fywyd yr ysgol. Enillodd yr ysgol wobwr Aur y Siarter Iaith.

Yn unol â Pholisi Iaith Gwynedd addysgir pob plentyn drwy gyfrwng y Gymraeg. Bydd Saesneg yn cael ei chyflwyno yn anffurfiol yn y Cyfnod Sylfaen ac yn ffurfiol ym Mlwyddyn 3. Ein nôd yw i bob plentyn fod yn rhugl ddwyieithog yn gadael yr ysgol.

Os bydd plentyn di-Gymraeg yn dod i'r ysgol yn ystod y Blynnyddoedd Cynnar, bydd yn cael ei 'drochi' yn yr iaith yn y Cyfnod Sylfaen yn naturiol. Os bydd hwyrdyfodiaid neu blant Blwyddyn 2 ac uwch fyddai'n elwa o loywi iaith neu godi hyder byddant yn mynd i'r Ganolfan Iaith leol yn Llanybi am dymor. Mynychodd dau ddisgybl y Ganolfan Iaith yn 2019-20.

### **CYSYLLTIADAU CYMUNEDOL**

Cyd-weithiodd yr ysgol gydag ysgolion y dalgylch a thu hwnt mewn gweithgareddau cwricwlaidd ac allgwricwlaidd megis gweithgareddau chwaraeon a chlybiau dalgylch.

Trefnwyd ymweliadau amrywiol yn ystod y flwyddyn, megis cystadlaethau chwaraeon, ymweliad â Plas Glyn y Weddw, Sioe Nadolig Cyw, Neuadd Dwyfor. Ond yn anffodus oherwydd y Cyfnod Clo bu'n rhaid i canslo nifer o ymweliadau gan gynnwys Glanllyn, Llangrannog a Chaerdydd.

Ymwelodd nifer o unigolion ac arbenigwyr â'r ysgol megis ein plismon ysgol PC Owen, gweithdy NSPCC, Jaques \_\_\_\_\_ (gweithdai celf), Daniel (Cadw Cymru'n Daclus) Sian Parry (Cynllun Gwên), Prosiect Dementia, Paid Cyffwrdd, Dweud a Paid Meddwi, Medddylia, Swyddog Diogelwch y Ffyrdd, Nia o Goleg y

Bala, y Ficer lleol Andrew Jones, Llion Williams (Sioe Mewn Cymeriad- Taith yr Iaith), Robbert Patterson (Gweithdy Cynefinoedd CS Ymddiriedolaeth Genedlaethol).

Cefnogom elusennau, cymdeithasau a busnesau lleol e.e Plant Mewn Angen, T4U, British Heart Foundation, MacMillan, Cynllun Gwên, T4U, Ffrindiau Dementia, Trwynau Cochion, yr Ymddiriedolaeth Genendlaethol a Diwrnod y Llyfr.

Daeth myfyrwyr Coleg Meirion Dwyfor a Choleg Menai ar brofiad gwaith. Roedd trefniadau i ddisgyblion Ysgol Botwnnog ac Ysgol Glan y Môr ddod yn ystod tymor yr haf, ond methwyd a chynnig hyn oherwydd y Cyfnod Clo. Credwn ei bod yn bwysig fod y plant yn cael amrywiol brofiadau ar ac oddi ar dir yr ysgol ac yn creu cyswllt gydag arbenigwyr mewn gwahanol feysydd er mwyn cyfoethogi eu haddysg. Ceir rhestr lawn o'r ymweliadau a'r ymwelwyr yn Adroddiadau'r Pennaeth a chofnodion llawn y Llywodraethwyr, sydd ar gael o'r ysgol.

### **NODAU A CHYFLAWNIADAU CHWARAEON**

Mae'r disgyblion yn elwa o nifer o weithgareddau chwaraeon a gwneir defnydd o'r iard, y cae, y Neuadd, Canolfan Hamdden Dwyfor a Chlwb Chwaraeon Pwllheli ar gyfer amrywiaeth o weithgareddau a chwaraeon. Cafwyd llwyddiant mewn gweithgareddau dalgylch a thu hwnt. Mrs Catrin Hall oedd ein cyd-gysylltydd Addysg Gorfforol yr ysgol ac mae darpariaeth eang yn cael ei gynnis i'r plant o fewn yr ysgol o'r dosbarth Meithrin i Flwyddyn 6.

'Rydym yn defnyddio'r ganolfan hamdden i ddatblygu sgiliau nofio a bu nifer o'r plant yn cynrychioli'r ysgol yng nghystadleuaeth Gala Nofio Dwyfor. Rhown fri ar ddysgu plant i nofio yn ifanc (gan ein bod yn byw mor agos at y môr) ac o ganlyniad cyflwynwn wersi nofio o'r dosbarth Derbyn ymlaen. Defnyddir y ganolfan hamdden hefyd i ddatblygu sgiliau pêl, tenis, gymnasteg a dawns.

Methodd plant blynyddoedd 3 a 4 a plant blynyddoedd 5 a 6 ar gyrsiau antur preswyl yng Nglan Llyn a Llangrannog yn Mai ach ni chynhaliwyd Clwb Campau'r Ddraig ôl-ysgol yn nhwymor yr haf. Cynhaliwyd Clwb Dal i Fynd ar iard yr ysgol. Cynhaliwyd cystadlaethau Rygbi, Hoci, Criced, Pêl rwyd ac Athletau sirol a dalgylchol ar gyfer plant ym mlwyddyn 3,4,5 a 6. Cynhalwyd Clwb Gymnasteg yn Ysgol Botwnnog gan athrawes yr ysgol ac fe'i mynychwyd gan nifer o ddisgyblion yr ysgol.

Mae'r ysgol yn hybu'r lluo o glybiau chwaraeon lleol gan gynnwys rhai a gynhelir gan ysgolion y dalgylch, daw unigolion o'r clybiau i'r ysgol i gynng sesiynau blasu.

### **BWYTA'N IACH**

Dilyna'r ysgol ganllawiau diweddaraf y Llywodraeth ynglŷn â Byw'n Iach. Annogwyd plant i brynu ffrwyth o'n siop ffrwythau neu ddod â ffrwyth hefo nhw o gartref i'w fwyta ganol y bore, ac i yfed dŵr a'r ffynnon ddŵr unrhyw adeg o'r dydd. Ni chaniatwyd bwyd a diodydd sydd ddim yn cydymffurfio â chanllawiau'r Llywodraeth.

### **I GLOI**

Hoffai'r Corff Llywodraethol a'r staff ddiolch yn fawr iawn am gymorth parod y rhieni gyda phob trefniant yn ystod y flwyddyn. Cyfranna'r Cyfeillion yn helaeth at fywyd yr ysgol drwy drefnu digwyddiadau i godi arian. Mae pob disgybl yn yr ysgol yn elwa o'u gwaith. Gwerthfawrogwn fawr y berthynas iach sydd rhwng yr ysgol, y rhieni a'r gymuned.

**GOFYN AM GYFARFOD (Atodiad 3)**



## DYDDIADAU TYMOR YSGOL A GWYLIAU 2020-21

### **DYDDIADAU TYMOR:**

Hydref 2020 1 Medi 2020 - 18 Rhagfyr 2020  
Gwanwyn 2020 4 Ionawr 2021 - 26 Mawrth 2021  
Haf 2020 12 Ebrill 2021 - 20 Gorffennaf 2021

### **GWYLIAU:**

26-30 Hydref 2020 (Hanner-Tymor)  
21 Rhagfyr 2020 - 1 Ionawr 2021 (Gwyliau'r Nadolig)  
15 - 19 Chwefror 2021 (Hanner-Tymor)  
29 Mawrth - 9 Ebrill 2021 (Gwyliau'r Pasg)  
3 Mai 2021 (Calan Mai)  
31 Mai-4 Mehefin 2021 (Hanner-Tymor)  
21 Gorffennaf - 31 Awst 2021 (Gwyliau'r Haf)

Bydd dyddiau o hyfforddiant staff yn ychwanegol i'r uchod; 2+3/9/19, 23/10/20, 2/11/21, 4/1/20, 12/4/20